


Bosna i Hercegovina
Federacija Bosne i Hercegovine
KANTON SARAJEVO
Ministarstvo za rad, socijalnu
politiku, raseljena lica i izbjeglice



Босна и Херцеговина
Федерација Босне и Херцеговине
КАНТОН САРАЈЕВО
Министарство за рад, социјалну
политику, расељена лица и изbjеглице

Bosnia and Herzegovina
Federation of Bosnia and Herzegovina

CANTON SARAJEVO
Ministry of Labour, Social Policy, Displaced
Persons and Refuges

Broj: 01-04-19718-21-1/21
Sarajevo, 18.05.2021. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO

-SKUPŠTINA KANTONA SARAJEVO
Služba za skupštinske poslove

Predmet: Odgovor na zastupničku inicijativu, dostavlja se

Zastupnica Neira Dizdarević je na nastavku 35. Radne sjednice Skupštine Kantona Sarajevo, održane dana 28.04.2021. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa Poslovnikom Skupštine Kantona Sarajevo, uputila zastupničku inicijativu, kako slijedi:

"Nakon više anonimnih pisama vezanih za rukovođenje KJU Gerontološkim centrom, a naročito provedenim javnim nabavkama, molim gore pomenute javne organe da provedu nadzor i ispitaju postupanje KJU Gerontološki centar, te utvrde stvarne činjenice, te poduzmu neophodne zakonske postupke.

Primarno anonimna prijava se odnosila na radove na sanaciji krova A objekta Gerontološkog centra, koji se po svemu sudeći popravljao kroz tri postupka nabavki i to:

1. Nabavka pokrenuta Odlukom o nabavci radova na hitnoj sanaciji dijela ravnog krova KJU „Gerontološki centar“ Sarajevo broj: 14-2114/20 od od 17.11.2020. godine, Odluka o nabavci ne



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1



korespondira sa Ugovorom broj: 14-2114/20 od 26.11.2020. godine. Koliko shvatam ova nabavka je imala za cilj da otkrije ili da popravi dio krova objekta i da na takav način zaustavi prodiranje vode sa istog u objekat, što se očigledno nije desilo, jer je usljedila druga nabavka, pa ostaje nejasno zbog čega je isplaćen iznos od 2.541,83 KM sa PDV-om ponudaču u predmetnom ugovoru?

Pored navedenog želim da mi se dostavi Zahtjev za dostavu ponuda, te na koje je adrese isti upućen, odnosno na koji način je ispitano tržište u skladu sa članom 5. Pravilnika o postupku direktnog sporazuma, te da li su ispoštovani principi propisani članom 3. Zakona o javnim nabavkama BiH? Također želim da mi se dostavi izvještaj o izvedenim radovima ukoliko isti postoji, jer je očigledno da je zaključak ponudača ZONA 50 da je potrebno zamijeniti čitav krov, interesuje me na koji način se došlo do takvog zaključka i kojim metodama je ispitano prodiranje vode sa krova?

2. Nakon što nije došlo do zaustavljanja prodora vode u objekat rukovodstvo pokreće novi postupak Nabavka hitnih radova na rekonstrukciji krova i sanaciji dijelova Prihvatilišta zahvaćenih prokišnjavanjem u KJU "Gerontološki centar" Sarajevo, po saznanjima radi se o privremenom rješenju postavljanja najlona na krov da bi se spriječilo prodiranje vode i uključivanje struje u samom objektu, u čemu se uspjelo. Dokumentacija nije dostupna na Portalu javnih nabavki Kantona Sarajevo, iznos koji je plaćen po ovom osnovu je nevjerovatnih 5.123,99 KM sa PDV-om ponudaču Topcon doo Sarajevo. Pitanje bi bilo zbog čega je izabran ovaj ponudač po ovoj cijeni i također da mi se dostavi Zahtjev za dostavu ponude na koje adrese je isti otišao, odnosno dokaz da je tržište ispitano i da su ispoštovani principi propisani članom 3. Zakona o javnim nabavkama BiH?

3. Rukovodstvo nakon toga pokreće Pregovarački postupak bez objave obavještenja o nabavci te Ugovor broj: 14-2284/13 od 15.12.2020. godine opet dodjeljuje ponudaču Topcon doo Sarajevo u vrijednosti 115.020,07 KM sa uračunatim PDV-om. Interesantno je da se rukovodstvo suprotno Zakonu o javnim nabavkama odlučilo na Pregovarački postupak bez objave obavještenja o nabavci, jer kako je gore navedeno prodor vode u objekat je zaustavljen postavljanjem najlona na objekat i puštanjem struje u isti, čime su se izgubili uslovi za provođenje gore navedenog postupka kako je propisano članom 21. stav 1. tačka d. Zakona o javnim nabavkama. Želim da mi se dostavi kompletan izvještaj o provedenim radovima po ovom postupku, koji materijali su korišteni i u kojoj količini, kao i svi drugi troškovi vezani za sanaciju krova Objekta B. Pored navedenog želim da mi se dostavi dokaz o istraženom tržištu, ako ga je bilo i na koji način se došlo do ponuda u skladu sa odredbama člana 3. Zakona o javnim nabavkama.? Zbog čega se rukovodstvo odlučilo na avansno plaćanje polovine ugovorenog iznosa, ako to nije princip po kojem se nabavljaju usluge izvođenja radova?

Pored navedenog dobila sam pritužbu da je rukovodstvo nabavilo sistem video nadzora sa pratećom opremom za potrebe KJU „Gerontološki centar“ Sarajevo Ugovor broj: 14-191- 4/20 od 10.02.2020.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1



godine, bez da je prije navedene nabavke konsultovalo Agenciju za zaštitu ličnih podataka, te da je direktorica postavila kameru na način da snimaju ulaze u kancelarije i da su snimci dostupni na njenom mobilnom telefonu, te da iste često koristi za obračunavanje sa radnicima.

U skladu sa navedenim postavljam pitanje da li su ovi navodi tačni, te ako jesu zbog čega se na ovakav način troše sredstva budžetskih korisnika?

Uzimajući u obzir presudu Suda BiH u identičnoj situaciji broj: Si 3 U 014576 14 U od 06.10.2015. godine, koja u potpunosti dokazuje nezakonito postupanje i neracionalno trošenje budžetkih sredstava. Pored navedenog kriterij za dodjelu ovog ugovora je najniža cijena, pa me interesuje na koji način ste došli do najviše cijene?

Običnim istraživanjem tržišta dolazi se do nevjerovatne informacije i to:

- Mrežni video rekorder košta 836,76 KM (<https://itehnika.ba/proizvod/ds-7732nik4mrezni-video-rekorderi/>);
- 04CH Mrežni POE Snimač DS-7604N1-K1/4P cijena 194,35 KM (<https://kamere.ba/product/mrezni-video-rekorderi-hikvision-ds-7604ni-k1/>);
- DS-2CD1121-I,Dome kamere-IP cijena 142.52 KM (sa PDV-om (<https://itehnika.ba/proizvod/ds-2cd1121-idome-kamere-ip/>);
- Swich DS-3E03 18P-E-M cijena 545.69 KM (<https://kamere.ba/product/poe-i-switch-uredjaji-ds-3e0318p-e-m/>);
- PoE i Switch uredjaji, DS-3E0109P-E-M 169,23 KM (<https://kamere.ba/product/poe-i-switch-uredjaji-ds-3e0109p-e-m/>), ovdje nisu uračunati sitni dijelovi tipa kabla, sajle i ostalog, na tu cijenu dodajemo maksimalno 500,00 KM, što bi u konačnici iznosilo 2.388,55 sa PDV-om.

Dok se gore navedena roba platila po višestruko većim cijenama od tržišnih i to 7.004,90 sa PDV-om.

Pored navedenog želim da mi se dostavi Zahtjev za dostavu ponuda, te na koje je adrese isti upućen, odnosno na koji način je ispitano tržište u skladu sa članom 5. Pravilnika o postupku direktnog sporazuma, te da li su ispoštovani principi propisani članom 3. Zakona o javnim nabavkama BiH?

Identična stvar sa nabavkom „Nabavka, isporuka i instaliranje sistema kontrole radnog vremena sa pratećom opremom za potrebe KJU "Gerontološki centar" Sarajevo

- SEAGATE EXTERNI HDD 4TB, STJL4000400 239,00 KM dva diska (<https://imtec.ba/hard-diskovi-eksterni-i-kucista/51495-seagate-externi-hdd-4tb-stj14000400-3660619408191.html>);
- terminal za kontrolu pristupa sa LCD displejom 145,00E (<https://www.masterbc.co.rs/access-sistemi/zt/zt-terminali-za-kontrolu-pristupahtsc203/2409>);
- MONITOR DELL E-SERIES E2220H 21.5" kvalitetniji košta 218,00KM, dva komada (<https://procomp.ba/monitori/35079-dell-e-series-e2220h-215-.html>).



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1



Ukupan iznos po ovom osnovu je oko 1.600,00 KM po realnim cijenama dok je Gerontološki centar koštao nevjerovatnih 6.976,71 KM, prema dostupnim informacijama.

Želim da mi se dostavi Zahtjev za dostavu ponuda , te na koje je adrese isti upućen. odnosno na koji način je ispitano tržište u skladu sa članom 5. Pravilnika o postupku direktnog sporazuma, te da li su ispoštovani principi propisani članom 3. Zakona o javnim nabavkama BIH? Pored ovoga interesuje me da li ovaj terminal za kontrolu pristupa može po svojoj specifikaciji odgovoriti zakonskim odredbama koje bi trebao ispunjavati?"

Na navedenu zastupničku inicijativu dajemo sljedeći odgovor:

1. Nabavka radova na detekciji kvara na ravnom krovu, od 17.11.2020. godine, u „B” objektu Kantonalne javne ustanove „Gerontološki centar”- direktni sporazum

Ustanova je donijela Odluku o pokretanju postupka nabavke broj: 14-2114/20 od 17.11.2020. godine. Odlukom je definisano da će se javna nabavka provesti putem direktnog sporazuma. Procijenjena vrijednost nabavke je iznosila 2.200,00 KM bez PDV-a, u skladu sa Planom nabavki za 2020. godinu. Nabavka je imala za cilj izvršiti detekciju kvara na ravnom krovu KJU „Gerontološki centar”, sa popravkom jednog manjeg dijela istog.

Ustanova je poslala zahtjev za dostavu ponude prema više ponuđača i to:

- „Sela” d.o.o. Sarajevo, Rajlovačka cesta br. 31
- „Topcon” d.o.o. Sarajevo, Grbavička br. 53
- „Tehnometal” d.o.o. Zenica, Sarajevska br. 97
- „Ab Neretva” d.o.o. Mostar, Maršala Tita br. 229
- „Džekos” d.o.o. Sarajevo, Ismeta Alajbegovića Šerbe br.16
- „Veddi Invest doo Sarajevo, Orahovačka br. 2
- „Zona 50” d.o.o. projektovanje i inženjering Sarajevo. Kolodvorska br. 12.

Oglasila su se dva ponuđača, Džekos d.o.o. Sarajevo, koji se zahvalio na ukazanom povjerenju i rekao da nije u mogućnosti, zbog ranije preuzetih obaveza, odgovoriti na upit za dostavu ponude i Zona 50 d.o.o. Sarajevo, koji je dostavio ponudu u ukupnoj vrijednosti 2.172,50 KM bez PDV-a, odnosno 2.541,83 KM sa PDV-om.

Donesena je Odluka broj: 14-2114-2/20 od 23.11.2020. godine o dodjeli ugovora odabranom ponuđaču „Zona 50” d.o.o. projektovanje i inženjering, a nakon toga poslano Obavještenje o dodjeli ugovora, broj: 14-2114-3/20 od 23.11.2020. godine i zaključen ugovor broj: 14-2114-4/20 od 26.11.2020. godine. Ukupna ugovorena vrijednost predmetnih radova iznosila je 2.172,50 KM bez PDV-a, odnosno 2.541,83 KM sa PDV-om, kao na ponudi.

Izvođač radova je ispostavio fakturu broj: 0011/20, od 11.12.2020. godine, a ista je vraćena dopisom broj: 14-2114/20/ 28.01.2021 , uz obrazloženje da radovi nisu izvršeni kako treba i da je stanje objekta



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1



još gore, nego prije obavljanja radova. U prilogu je Izjava uposlenika Ustanove, koji je bio zadužen za prijem radova.

Plaćanje fakture nije izvršeno, što se može vidjeti iz priloženih kartica za 2020. i 2021. godinu. Izvođač radova nije se više oglašavao, ni insistirao na plaćanju.

Budući da nije došlo do zaustavljanja prodora vode u objekat, postavljaju se najloni, koji su bili privremeno rješenje, a usluga je izvršena besplatno. Iz tog razloga dokumentacija nije dostupna na portalu javnih nabavki Kantona Sarajevo.

Iznos od 5.123,99 KM, koji navodite, nije plaćen za postavljanje najlona. Radi se o iznosu koji se odnosi na sanaciju krova Prihvatišta, sa potrebnom sanacijom zidova, koji je pokrenut u 2019. godini (godinu dana ranije) i nalazi se u Izvještaju o javnim nabavkama KJU „Gerontološki centar” Sarajevo za 2019. godinu, a dostupan je na web stranici Ustanove. Procijenjena vrijednost nabavke iznosila je 5.200,00 KM bez PDV-a.

Postupak je pokrenut donošenjem Zahtjeva za pokretanje postupka nabavke od strane Službe za servisne poslove, broj: 13-1915/19, od 24.12.2019. godine, na osnovu koga su upućeni upiti za dostavu ponuda prema više ponuđača i to:

- „Arkon o.d. Sarajevo, Dobojska br.41
- „Armon” d.o.o. Sarajevo, Dobrinjska br. 21
- „Topcon” d.o.o. Sarajevo, Grbavička br. 53
- „Sela” d.o.o. Sarajevo, Rajlovačka cesta br. 31
- „Eko gradnja d.o.o. Sarajevo, Munira Gavrankapetanovića broj 106.

Ponudu su dostavila tri ponuđača:

- „Topcon” d.o.o. Sarajevo, u vrijednosti od 5.123,99 KM bez PDV-a
- „Arkon o.d. Sarajevo, u vrijednosti od 6.580,50 KM bez PDV-a
- „Armon” d.o.o. Sarajevo, u vrijednosti od 6.829,54 KM bez PDV-a.

Donesena je Odluka o nabavci broj: 13-1923/19 od 26.12.2019. godine, a zatim i Odluka o dodjeli ugovora ponuđaču „Topcon” d.o.o. Sarajevo, broj: 13-1923-2/19 od 27.12.2019. godine u ukupnoj vrijednosti 5.123,99 KM bez PDV-a, odnosno 5.995,07 KM sa PDV-om i poslano Obavještenje o dodjeli ugovora, a zatim je sklopljen ugovor o izvođenju radova broj: 13-1923-4/19 od 27.12.2019. godine.

Izvještaj o provedenom postupku javne nabavke objavljen je na portalu e-nabavke, pod brojem 897-8-3-102/19, dana 27.12.2019. godine.

Dana 13.01.2020. godine sačinjen je Zapisnik o primopredaji radova broj: 64-2/20, u kome je konstatovano da su cjelokupni radovi izvedeni zaključno sa 13.01.2020. godine, u svemu prema datoj specifikaciji.

Izvođač radova „Topcon” d.o.o. Sarajevo je ispostavio račun za izvršene radove, broj: 001/2020, dana 16.01.2020. godine u ukupnoj vrijednosti 5.123,99 KM bez PDV-a, odnosno 5.995,07 KM sa PDV-om.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1



Nakon postavljanja najlona, koji su bili privremeno rješenje, ponovo je na osnovu obavijesti iz KJU „Gerontološki centar”, dana 03.12.2020. godine došlo do kvara na ravnom krovu, zbog obilnih padavina i do curenja vode u sobe korisnika. U noći 03./04.12.2020. godine ugašena je struja u cijelom objektu, zbog curenja vode u glavnu razvodnu kutiju za struju, a korisnici su bili četiri dana bez struje. Iz Ustanove su tražili da se hitno obezbjeđenje sredstava za popravku krova, da ne bi došlo do ugrožavanja zdravlja korisnika. Pozvana je firma „Maher” d.o.o. Sarajevo da izvrši provjeru ispravnosti instalacija, koja je pregledom, ispitivanjem i mjerenjem ustanovila i donijela zaključak da je instalacija objekata KJU „Gerontološki centar” urađena u svemu prema mjerama i normativima zaštite od električne struje, tj. da zadovoljava propise i standarde. Dalje je konstatovano da je elektroinstalacija ispravna i funkcionalna za dalje korištenje, s tim da se obrati pažnja na ponovno prodiranje vode usljed obilnih kiša, te da se adekvatno reaguje ponovnim isključenjem sklopke, ukoliko ponovo dođe do prodiranja vode. Uslugu pregleda električnih instalacija i davanja odobrenja za ukućenje električne energije privredno društvo „Maher“ doo Sarajevo, izvršilo je bez nakanade, pa se iz tog razloga nije pokretao postupak javne nabavke.

Imajući u vidu gore navedeno, da bi došlo do konačnog rješenja popravke krova i prodiranja vode u objekat, pokrenut je pregovarački postupak, bez objave obavještenja.

Uvidom u postupak javne nabavke konstatovano je slijedeće:

Postupak je pokrenut donošenjem odluke o nabavci broj: 14-2284/20 od 10.12.2020. godine, u skladu sa članom 18. Zakona o javnim nabavkama. Procijenjena vrijednost predmetne nabavke iznosila je 103.000,00 KM bez PDV-a, a zbog hitnosti se odlučuju na pregovarački postupak bez objave obavještenja. Kriterij za dodjelu ugovora bila je najniža cijena.

U skladu sa Članom 21. stav d) Zakona o javnim nabavkama, pokreće se ovaj postupak zbog razloga krajnje hitnosti, prouzrokovane događajima nepredvidivim za ugovorni organ i tom prilikom se ne mogu ispoštovati utvrđeni minimalni rokovi za otvoreni, ograničeni ili pregovarački postupak s objavom obavještenja. Ugovorni organ je zatim u skladu sa članom 28. stav (4) Zakona o javnim nabavkama na svojoj internetskoj stranici objavio informaciju o pregovaračkom postupku bez objave obavještenja i tendersku dokumentaciju. Poslani su upiti za dostavu inicijalnih ponuda, prema više ponuđača. Stigle su dvije ponude, ponuđača „Topcon” d.o.o Sarajevo u vrijednosti od 119.191,79 KM sa PDV-om i ponuđača „Black and White” Sarajevo u ukupnoj vrijednosti od 152.977,50 KM sa PDV-om. Sačinjen je zapisnik o pregledu i ocjeni početnog poziva za učešće u pregovaračkom postupku bez objave obavještenja o nabavci i početne ponude, broj:14-2284-5/20, od 14.12.2020. godine.

Ponuda ponuđača „Topcon” je bila povoljnija, pa je isti pozvan na pregovore u prostorije Kantonalne javne ustanove "Gerontološki centar" Sarajevo, a nakon toga je sačinjen zapisnik o postupku pregovora, broj: 14-2284-7/20 od 14.12.2020. godine.

Dogovoreno je da ponuđač da popust od 3,5 % na ukupnu vrijednost predmetne nabavke, što je on i učinio u konačnoj ponudi broj: 109/20 od 15.12.2020. godine. Sačinjen je zapisnik o pregledu i ocjeni konačne ponude u pregovaračkom postupku bez objave obavještenja o nabavci i početne ponude, broj:14-2284-9/20, od 15.12.2020. godine, a zatim i Izvještaj o radu komisije za javne nabavke i preporuka za dodjelu ugovora, broj:14-2284-10/20, od 15.12.2020. godine, poslije toga slijedi Odluka o izboru najpovoljnijeg ponuđača, broj: 14-2284-11/20 od 15.12.2020. godine.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1



Ugovorni organ je sklopio Ugovor o izvođenju radova sa ponuđačem, broj:14-2284-13 od 15.12.2020. godine u vrijednosti od 98.307,75 KM bez PDV-a, tj. 115.020,07 KM sa PDV-om, a članom 4. Ugovora se obavezao da će plaćanje ugovorene vrijednosti izvršiti avansno u iznosu od 50% od vrijednosti Ugovora, po zaključenju ugovora, a ostatak u iznosu od 50%, nakon završetka svih ugovorenih obaveza. Isto to je definisao i u tenderskoj dokumentaciji.

Obavještenje o dodjeli ugovora dostavljeno je 15.12.2020. godine, a sažetak Obavještenja je objavljen u JP „Službeni list BiH”, 17.12.2020. godine.

Nakon završetka radova sačinjen je zapisnik o primopredaji radova broj: 109-5/20 od 18.02.2021. godine, u kome je konstatovano da su ugovoreni radovi, definisani u Okončanoj situaciji, u cjelosti izvedeni stručno, kvalitetno, u skladu sa zahtjevima Naručioca i u ugovorenom roku, zaključno sa danom 18.02.2021. godine. Izvođač je dao garanciju za izvedene radove broj: 109-5/20 od 18.02.2021. godine, od 18.02.2021. godine do 18.02.2036. godine (u trajanju od 15 godina). Kvalitet obavljenih radova je potvrdila firma „Arting BH” d.o.o. Sarajevo, koja je bila angažovana kao nadzor, od strane Kantonalne javne ustanove „Gerontološki centar”. Pomenuta firma ja napravila analizu realizacije ugovora i dala Izjavu nadzora o završenim radovima u kojoj je konstatovano da je izvođač „Topcon” d.o.o. Sarajevo, na predmetnom projektu izveo radove u svemu prema ugovornoj dokumentaciji i važećoj tehničkoj regulativi i zakonskoj legislativi u BiH, te se kao takav može pustiti u eksploataciju. Nadzor je vodio Građevinsku knjigu i Dnevnik, u kome su sve stranice ovjerene od strane Izvođača i Nadzora.

Na portalu e-nabavke objavljen je izvještaj o provedenom postupku javne nabavke, broj 897-4-3-85/20

Dana 19.02.2021. godine ispostavljen je račun broj: 109-6/20 na ugovoreni iznos.

2. Nabavka, isporuka i instaliranje sistema kontrole radnog vremena sa pratećom opremom – direktni sporazum

Ustanova je nakon obavljenog istraživanja tržišta uputila zahtjev za dostavu inicijalne ponude na dvije adrese, firmi „Sword security” d.o.o. Sarajevo i „Condor Security” Zenica. Na upit je odgovorio samo ponuđač „Sword security” d.o.o. Sarajevo, pa je Ustanova donijela Odluku o nabavci broj: 14-190/20 od 29.01.2020. godine i uputila Zahtjev za dostavu konačne ponude ponuđaču „Sword security” d.o.o. Sarajevo. Ponuđač je dostavio ponudu u ukupnoj vrijednosti 5.963,00 KM bez PDV-a, tj 6.976,71 KM sa PDV-om.

Donesena je Odluka broj: 14-190-2/20 od 10.02.2020. godine o dodjeli ugovora i zaključen ugovor broj: 14-190-4/20, dana 10.02.2020. godine.

Na portalu javnih nabavki objavljen je Izvještaj o provedenom postupku javne nabavke broj: 897-8-1-24/20 dana, 10.02.2020. godine.

Dobavljač je dostavio fakturu na plaćanje, broj: 001376/20 od 02.04.2020. godine, na iznos kao u ponudi i ugovoru.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1



3. Nabavka sistema video nadzora sa pratećom opremom – direktni sporazum

Ustanova je uputila zahtjev za dostavu inicijalne ponude, u svrhu istraživanja tržišta, na dvije adrese, firmi „Sword security” d.o.o. Sarajevo i „Condor Security” d.o.o. Zenica, istovremeno kada je uputila i zahtjev za dostavu ponude za nabavku i instaliranje sistema kontrole radnog vremena sa pratećom opremom i istim ponuđačima.

Na upit je odgovorio samo ponuđač „Sword security” d.o.o. Sarajevo, pa je Ustanova donijela Odluku o nabavci broj: 14-191/20 od 29.01.2020. godine i uputila Zahtjev za dostavu konačne ponude ponuđaču „Sword security d.o.o. Sarajevo, koji je dostavio ponudu u ukupnoj vrijednosti 5.987,00 KM bez PDV-a, tj. 7.004,90 KM sa PDV-om. Donesena je Odluka broj: 14-191-2/20 od 10.02.2020. godine o dodjeli ugovora i zaključen ugovor broj: 14-191-4/20, dana 10.02.2020. godine.

Nakon završetka ugovorenog posla sačinjen je Zapisnik o urednom izvršenju posla i dostavljena faktura na plaćanje, broj: 001378/20 od 03.04.2020. godine.


Na portalu javnih nabavki objavljen je Izvještaj o provedenom postupku javne nabavke broj: 897-8-1-23/20 dana, 10.02.2020. godine.

U prilogu dostavljamo kompletnu dokumentaciju vezanu za javne nabavke.

S poštovanjem,

- Prilog: 1. Dokumentacija za nabavku radova na popravci ravnog krova
2. Dokumentacija za nabavku sistema kontrole radnog vremena
3. Dokumentacija za nabavku sistema video nadzora

Pripremila: Edina Čičić, stručna savjetnica=
Kontrolisao: Nurija H... strice



Dostavljeno:

1. Naslovu
2. a/a



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1

